


लईका मन बर बाईबिल  
प्रस्तुत करत हवे ।

यिरमियाह, आसु  
वाला मनखे



लिखे गए हवे। : Edward Hughes  
उत्साह बढ़े गए हवे। : Jonathan Hay  
चयन करे गए हवे। : Mary-Anne S.  
अनुवाद करे गए हवे। : मधुलिका महतो  
बनाए गए हवे। : Bible for Children  
[www.M1914.org](http://www.M1914.org)


BFC  
PO Box 3  
Winnipeg, MB R3C 2G1  
Canada


©2015 Bible for Children, Inc.

लाईसेंस : आप मन करा इ कथा ल छापे बर अऊ नकल करे के अधिकार  
तभे तक हे जब तक आप मन एला बेचिहा नाही।



थिर्याह यहुदा के राज म एकठी  
धारमिक घर म पइदा होए रहिस।  
ओकर ददा, हिल्कियाह, एकठन  
पुजारी रहिस। ओखर परवार  
अनातोत नाव के एकठन शहर म  
रहत रहिस जोन हर यरूसलेम ले  
कुछुऐच दूरीहा म हे। साइद  
थिरमयाद के दाई ददा घलाव  
सोचत रहिन: ओहु घलो एकठन  
पुजारी बन जाहि। लेकिन भगवान  
करा कुछु अउच योजना रहिस।






यिरमयाह के जनम कर बेरा,  
भगवान के मनखे ओकर बचन  
कस नई जीयत रहिन। लगभग  
सब्बो भीराही के मन सब्बो कहु,  
राजा ले लेके खाल्हे सबले दीन  
बुता करोइया तक : लबरा देवता  
मन के पुजा करत रहिन—ईहा  
तक कि भगवान के अपन पबितर  
मनदिर म घलो।




जब यिर्मयाह एक  
ठन जवनहा पुरुष  
हो गिस, भगवान हा  
ओकर ले गोठियाइस।

“मय तोला, तोर जनम ले आघु जानत हावव” अउ  
तब मय ये योजना बनाए कि तय मोर बर गोठियाबे।



भगवान के बुलावा ले साइद यिरमयाह ल डर लागत रहिस होही ।  
“हे, परभु भगवान!” ओहा नरया के कहिस “मय हा खाली एक ठन  
बाबुपिला हो: मय गोठ नई करे सकत हो।” ओहा एकठी लईका के  
बलदा में बड़खा रहिस :- ओहा उ बेरा म बीस बछर कर रहिस ।

लेकिन यिरमीयाह ला  
लागत रहिस कि ओहा  
ओकर चारों अंगत के  
दुष्टता के खिलाफ  
भगवान बर मनखे  
मन ल चेताए नई  
सकत रहिस ।



“झन डरा” भगवान हा यिरमीयाह ला धीरज दिस ।  
जउन कहु घलो मय भेजत हव, तय उहाँ हा ।  
जोन कुछु मय  
तोला कहय बर  
कहत हव तय  
कह ।




मय तोर संग हावन अउ मय तोला भेजत हन,  
तय ऊंहा जा । जो कुछु मय तोला कहय बर  
कहत हों तय कह ।  
मय तोर संग हाव  
अउ मय तोला  
छुड़ाहा ।

तब भगवान हा  
कुछु खास करिस ।  
भगवान हा यिरमयाह  
के मुंहु ला छुइस ।






भगवान हा यिरमियाह के सक्ती आउ साहस अउ बुद्धि दीस। ओहर साहस ले मइनसे मन ला बताईस कि भगवान तेउन मन ला मया करथे अउ उंकर मदद करे चाहत हे। लेकिन कोन्हो घलो ओखर नई सुनीन। राजा घलो नई।




इहाँ तक कि पुजारीमन घलो जंगईन अउ भगवान के बारे म गोठ  
करे ला मना कर दिन। लबरा भविष्य बतोइया घलो यिरमिमाह के  
बारे म बताइस कि ओहा सित्तो नई गोठियात रहिस।



यिरमियाह हा मनखे मन ला सुरता देवाइस कि सौ बछर आघु,  
इसराइल के उत्तरी राज हा भगवान ला तियाग दे रहिस। तेउन  
मन कर बइरी, असुरी मनखे मन तउन उपर बिजराये पाईन अउ उ  
जम्मो इसराइली मन ला दूरिहा देश म लेके चले गिन।







अब यहूदा, दक्खिन राज  
के मनखे मन भगवान ला  
छोड़ दिन हे। बइरी सेना  
मन आघु ले घलो कुच  
कर चुके रहिन। का  
भगवान अपन मनखे मन  
फेर बिजय पाए बर अउ  
ओमन ला गुलामी म  
जाए बर अनुमति देही?



मनखे मन अपन मूर्ति मन म भरोसा करिन । का मूर्ति हा ओमन  
ला ओखर बइरी ले रक्छा करे सकत हे ? नई । खाली  
भगवान हा ओला बचाए सकत हे । मनखे मन यिरमियाह  
ले अतकी जंगा गिन कि ओला मारे के साजिस  
तक कर दारिन । लेकिन भगवान हा  
अपन सेवक के रक्छा करिस ।



आखिर म, भगवन हा यिरमियाह  
ला कुछ अइसन अकबाए वाला  
गोठ कहिस। भगवान हा कहिस,  
“इ मनइखे मन बर बिनती झन  
कर, ओमन जब मदद बर मोर  
गोहार लगाही तब मय ओमन  
के नई सुनव।”




यिरमियाह हा राजा ला चेताइस  
कि ओहा बाबुल के सइना के  
संग लड़ाई म हार जाही। राजा  
जंगार्इस अउ यिरमियाह ला  
जेल म डरवा दिस। इहां तक  
कि जेल म घलो, यिरमियाह हा  
भगवान म बिसवास अउ  
परबचन देत रहिस।



जेल ले बाहिर निकले के पाछु  
यिरमियाह फेर ले राजा अउ  
मनखे मन बर परचार करिस कि  
ओमन भगवान करा लहुट आए  
अउ ओकर उपर बिसवास रखे ।


इ खानी, राजा हा  
यिरमियाह ला एक  
ठी गहिरा खिक  
तहखाना म डाल  
दिस ।





लेकिन भगवान राजा के हिरद में काम करत रहिस। ओहर चुपले  
यिरमियाह ला बचाइस अउ पुछिस कि भगवान अईसन का चाहत  
हावय कि राजा करए। यिरमियाह हा जुआब दिस, “तय

आतमसमरपन  
करके गुलामी  
म चलए  
जावव, अउ  
भगवान तोर  
ले कहत हावय  
कि तय हा



जियत रबे।”



बेबीलोन के सइना हर यरूसलेम अउ यहुदा  
के सबो कुछु म बिजय पाईस। ओमन भिथी  
मन ला अउ जम्मो भवन मन ला नास कर  
दिन, अउ सबो कुछु ला जला दिन।

भगवान कहिस कि तेउन  
मन कर मनखे मन ला  
सत्तर बछर बर  
गुलामी म जाए

बर होही  
अउ तभे फेर  
मय हा ओमन ला  
वादा के देस मा  
वापिस ले आनहा।



यिरमियाह, आसु वाला मनखे

इ कथा हर भगवान के बचन के द्वारा एक ठी बाईबिल


पाए जाथे ।

यिरमियाह

"आप मन कर बानी हर एला अंजोर देथे ।"

भजन संहिता ११९ : १३०





समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

